



長樂郡  
振録西  
諸君本

五侯相權




漢史紀成帝初立。以元舅陽平侯王鳳為大司馬  
大將軍輔政。諸舅譚、商、立、根、逢時同日封侯。世謂  
之五侯。是日黃霧四塞。商、根又相繼秉政。王氏一  
門乘朱輪華轂者二十五人。分據勢要。朝士皆出  
其門。賂遺四面而至。五侯爭為奢侈。大治第室。至  
為赤墀青瑣。起土山。漸臺。像白虎殿。穿城引澧水  
注第中。羣臣及吏民多上書言王氏威權太盛。上  
皆不聽。於是王氏益橫。其後新都侯王莽遂篡漢  
自立。



解西漢史上記成帝初即位。待太后家王氏過厚。用長舅陽平侯王鳳做大司馬大將軍。專執朝政。諸舅王譚。王商。王立。王根。王逢時。五人同日都封為列侯。當時人號他做五侯。受封之日。黃霧四塞。天戒甚明如此。而成帝不悟。後來王商。王根。又繼王鳳秉政。王氏一門貴盛。乘朱輪華轂之車者。多至二十五人。都分占勢要之官。朝中仕宦箇箇是他門下私人。餽送財寶者。四面而至。五侯爭以奢侈相尚。大起第宅。窮極壯麗。至用赤土為墀。門戶上刻成連瑣。而以青色塗之。僭擬朝廷宮殿的制度。園中起土山。漸臺。恰似白馬殿一般。又徑自鑿開長安城牆。引城外的澧水到他宅裡為池。其奢侈如此。那時羣臣及官民人等。多上書說王氏威權太盛。恐不可制。成帝只為溺愛母家。都不聽其說。因此王氏越發橫恣。無所忌憚。其後平帝以幼年繼立。新都侯王莽專政。威權盡歸其手。遂毒殺平帝。篡漢自立。夫人君之於外戚。固當推恩。但不當

後天

假以權柄。不幸而有罪。亦宜以法裁之。漢文帝  
知后弟竇廣國之賢而不肯用。誅其舅薄昭之  
罪而不少貸。後世稱明焉。成帝不思祖宗貽謀  
之意。乃使諸舅更執國政。子弟分據要官。至於  
驕縱不法。一切置而不問。養成篡弒之禍。豈非  
千古之鑒戒哉。人主欲保全外家。惟厚其恩。賚  
而毋使之干預朝政。則富貴可以長守矣。




漢史紀成帝為微行。後期門郎。或私奴。或乘小車。或皆騎。出入市里郊野。遠至旁縣。鬪雞走馬。常自稱富平侯家人。富平侯者。侍中張放也。寵幸無比。故假稱之。

解 西漢史上記成帝好微行。微行是私自出外行走。不使人知其為天子也。他既是私行。所以不乘輦輅。也不要百官扈駕。只悄悄地着幾箇禁衛的期門郎。或常侍的僕役跟隨着。或時坐一小車。或混同隨後人都一槩騎馬。出入街市。




坊里荒郊野外。遠至隣京縣邑。鬪雞走馬。以為  
 戲樂。此時侍中張放。封富平侯。得寵于上。貴倖  
 無比。成帝乃假充做張放的家人。以震服人心。  
 泯其形迹。夫以天子之尊。出入警蹕。前後法從。  
 有和鸞鳴珮之節。凡以別等威。備非常。肅臣下  
 之觀望也。成帝自輕其身。遨遊市里。又妄自貶  
 損。稱為富平家人。其玷辱宗社甚矣。何以君天  
 下而臨萬國哉。



漢史紀成帝微行過陽阿主家見歌舞者趙飛燕而悅之召入宮大幸有女弟合德姿性尤穠粹亦召入披香博士淖方成在帝後唾曰此禍水也滅火必矣後姊弟俱立為婕妤果譖告許皇后呪詛主上帝乃廢許后而立飛燕為后



**解**西漢史上記成帝微行時一日到陽阿公主家有箇歌舞的女子身體最輕能為掌上舞名曰趙飛燕成帝見了甚是喜悅就召入宮中大得寵幸飛燕有箇妹子名叫合德姿容性格更






是穠艷粹美。亦復召入。時披香殿裏有箇博士  
姓淳。名方成。最有識見。跟隨在成帝之後。見了  
飛燕姊妹這等模樣。知是不祥之兆。因以口唾  
之。說道。漢家以火德。王天下。此女子入宮。必亂  
國家。乃禍水也。滅火必矣。其後飛燕姊妹。日見  
寵幸。不久俱封為婕妤。果然在成帝面前。讒譖  
許后。說他詛咒主上。成帝信其言。遂將許后廢  
處昭臺宮。而立飛燕為后。卒以敗德亂政焉。夫  
自古亡國非一。而女色居其大半。豈女子有色

遂為害哉。良以有色無德故耳。蓋婦德必貞靜  
幽閑。端莊雅重。無邪媚輕佻之態者。然後可以  
配至尊。奉宗廟。而母儀天下。飛燕姊妹。以倡優  
歌舞賤人。而帝乃寵之為后。其視祭寵妹喜。紂  
寵妲己。又有甚矣。漢祚之衰。實自此始。可嘆也  
哉。






漢史紀哀帝時侍中董賢姿貌美麗以和柔便辟得幸於上貴震朝廷常與上卧起詔將作大匠為賢起大第窮極技巧賜武庫禁兵尚方珍寶及東園秘器無不備具鄭崇諫上上怒下崇獄竟死

**解**西漢史上記哀帝時有箇侍中叫做董賢他容貌美麗性體和柔而便佞邪辟以此得帝寵幸至與帝同卧起其尊貴之勢震動朝廷帝詔令總管營建的將作大匠替董賢起蓋大第宅諸般的技能工巧無不做到又賜他武庫裡禁

兵尚方的珍寶及東園中莖器皆朝廷所用俱以賜賢無一不備者其時有箇賢臣鄭崇因此諫爭以為不可上怒而下崇於獄竟死獄中夫哀帝初年躬行節儉政事皆由已出亦可以為明主到後一寵董賢遂至顛倒迷惑無復顧惜卒以促止人君之寵狎佞倖其禍如此

十侍亂政



漢史紀桓帝封宦者左宦。貝瑗。徐璜。唐衡。單超。為  
列侯。侯覽。上。縑五千匹。封高鄉侯。又封小黃門八  
人為鄉侯。宦等皆據勢擅權。交通賄賂。五侯尤貪  
縱。傾動內外。天下為之語曰。左回天。貝獨坐。徐卧  
虎。唐兩墮。兄弟姍戚。宰州臨郡。與盜無異。民不堪  
命。多為盜賊。其後中常侍曹節。王甫。及趙忠。張讓  
等十常侍。相繼專政。濁亂海內。尋召董卓之亂。漢  
因以亡。

解東漢史上記桓帝封中官左宦。貝瑗。徐璜。唐



衡單超五人俱為列侯。時帝方賣爵。因侯覽上  
纁五千匹也。封為高鄉侯。又封小黃門八人俱  
為鄉侯。由是宦等占據勢要。專擅威權。交通四  
方賄賂。就中五侯尤為貪婪。放縱氣焰。熏灼那  
時有箇民謠。叫左宦做左回天。言其勢力能轉  
動人主的意向也。叫貝瑗做貝獨坐。言其豪貴  
無人敢與相並也。叫徐璜做徐卧虎。言其如卧  
虎之可畏也。叫唐衡做唐兩墮。言其任意妄為  
東西無定也。左宦等的兄弟親戚。又多是無賴

之人。箇箇都叨冒官職。有做一州方伯的。有做  
一郡太守的。遍布天下。貪贓壞法。陵虐小民。就  
與盜賊一般。百姓每困苦無聊。往往逃亡。去為  
盜賊。其後有中常侍曹節。王甫。及趙忠。張讓等  
十箇常侍。相繼專擅朝政。起黨錮之獄。殺賢臣  
竇武。陳蕃。李膺等百餘人。任意縱橫。濁亂海內。  
遂致黃巾賊起。未幾董卓舉兵內向。劫遷天子。  
漢隨以亡。按天文志。宦者四星。在帝座之側。中  
官給事左右。供奉內庭。蓋王制所不可少者。但


不宜授以兵權。使得專制朝廷耳。考之當時。中  
常侍呂彊。清忠好直諫。最為善良。使桓帝左右  
皆小心端恪。如呂彊之流。而外任賢臣李固黃  
瓊等。以為股肱心膂。則漢至今猶存可也。奈何  
不顧祖制。寵之以五等之封。授之以威福之柄。  
遂使權傾人主。毒流海內。亂亡之禍。豈非自取  
之哉。

西邸鬻爵



漢史紀靈帝開西邸賣官。入錢各有差。二千石一  
千萬。四百石。四百萬。其以德次應選者。半之。令長  
隨縣好醜。豐約有賈。富者先入。貧者到官。倍輸。又  
私令左右賣公卿。公千萬。卿五百萬。於西園立庫  
貯之。以為私藏。

**解**東漢史上。記靈帝於西園中。開設邸舍。如市  
店一般。鬻賣官爵。官有大小。則納錢各有差等。  
秩二千石的。如今之知府等官。則納錢二千萬。  
秩四百石的。如今之縣令等官。則納錢四百萬。







就是本等以德行次序應該選除的。也要他納錢一半。纔許他做官。令長即今之知縣。隨那地方的好歹。以為納錢多寡。都有定價。富者納完了錢。纔與他官做。貧者賒與他。着他到地方後。加倍補納。又私令左右之人賣公卿公卿大官。必是資望相應的。然非因近倖入錢。亦不肯便與。公賣錢一千萬。卿賣錢五百萬。將這賣官的錢。都收貯在西園庫裡。以為自家的私藏。考之於史。靈帝初為侯時。常苦貧。及即位。嘆桓帝不能作家計。無私錢。故賣官聚錢如此。夫朝廷官爵。以待賢才。書言官不及私昵。爵罔及惡德。任意與人。猶且不可。况賣之。以為私藏乎。且天子富有四海。安用私藏。乃使市販之輩。冒濫冠裳。賢才之人。高蹈畎畝。上壞朝廷名器之公。下遺百姓剝削之害。未及五年。大盜四起。宗廟社稷。且不可保。西園私藏。果安在哉。此正大學所謂一人貪戾。一國作亂者也。

列肆後宮

漢靈帝




後宮



漢史。紀靈帝作列肆於後宮。使諸采女販賣。更相盜竊爭鬪。帝着商賈服。從之飲宴為樂。

**解**東漢史上。記靈帝於後宮中。蓋造舖店。積聚各樣貨物。使宮中眾采女。都學外面市井上。人交易販賣。又使之彼此偷盜爭鬪。誼誼。故意做出那市井上的模樣來。靈帝也穿着外面買賣人的褻衣。裝做商賈。隨着眾宮人在酒肆中飲宴。以為懽樂。夫靈帝之時。奸邪滿朝。權綱不振。天怒人怨。災變疊興。乃不知恐懼修省。任賢圖



治而遊樂宮中。甘同商賈下賤人的勾當。兼且  
弄狗着冠。駕驢操轡。褻尊敗度之事。無所不為。  
人心如何不離。盜賊如何不起。東漢之亡也。豈  
獻帝之罪哉。

芳林營建



魏史紀明帝好土功。大營宮殿。役連歲不休。徙長安鐘簾銅駝承露盤於洛陽。鑄銅人二。列司馬門外。又鑄黃龍鳳凰。置內殿前。起土山於芳林園。使公卿皆負土。樹檉木。善草捕禽獸。致其中。光祿勳高堂隆尚書衛覲及司徒掾董尋皆上疏極諫。不聽。


**解** 三國魏史上記明帝好土木之功。即位後。大營建宮殿。既作許昌宮。又作洛陽宮。工役連年不得休息。遷徙長安城中秦漢時所造的鐘



架銅索駝及銅承露盤。到洛陽來。用銅鑄兩箇極大的人。號做翁仲。擺列在司馬門外。又鑄成黃龍鳳凰。安置在內殿前面。築一座土山於芳林園。欲其速成。乃使公卿大臣。每都親自搬土助工。山既成了。使人栽種雜木好草。又捕捉各樣禽獸。放在中間。就與真山一般。光祿勳高堂隆。尚書衛覬。及司徒掾董尋。都上奏疏極諫。其失明帝。通不聽他。興作如故。夫人君以一人治天下。非以天下奉一人也。明帝之時。三方鼎立。

力行節儉。猶恐不足以為國。而乃勞人動衆。為不急之務。且公卿大臣。朝廷之所素敬禮者。至使之負土為山。沾手塗足。尤非使臣以禮之道矣。未幾明帝早崩。無嗣。不及一享其樂。魏之天下。又隨為司馬氏所篡。彼銅人土山之玩。果為誰而作哉。


羊車遊宴



Blank area with vertical lines for text.

後四丈  
晉史。紀武帝既平吳。頗事遊宴。怠於政事。掖庭殆  
將萬人。常乘羊車。恣其所之。至便宴寢。宮人競以  
竹葉挿戶。鹽汁灑地。以引帝車。而后父楊駿始用  
事。交通請謁。勢傾內外。朝政大壞。至其子惠帝。遂  
有五胡亂華之禍。

解 晉史上。記武帝自平吳之後。以為天下一統。  
四海無虞。遂驕縱放逸。好遊幸宴樂。不理政事。  
後宮婦女。多至萬人。欲有所幸。不能自決。所往。  
因以羊駕車。認他行去。羊所住處。就在那裏住。






下。宴樂寢宿。于是宮人望幸者多。都把竹葉插在門上。鹽水灑在地下。引得那羊來食之。以住帝車而宴寢焉。因武帝這等荒淫無度。不理國事。於是皇后之父楊駿得以專權擅政。交通請託。威福權勢。傾動內外。朝政日以壞亂。至其子惠帝又不肖。夷狄交侵。五胡亂華。而中朝之禍自此始矣。向使武帝平吳之後。兢兢業業。常如前日。則帝亦明達之主也。駿安得而用事。天下何從而啟亂哉。

笑祖儉德



宋史紀宋主駿大修宮室。土木被錦繡。壞高祖所居陰室。起玉燭殿。與羣臣觀之。牀頭有土障。壁上掛葛燈籠。麻蠅拂。袁顛以盛稱高祖儉德。宋主曰。田舍翁得此。已為過矣。

**解**六朝宋史上。記宋主劉駿性好奢侈。嫌他父祖的宮室卑小。乃從新大修造一番。牆壁門柱上。都被着錦繡。宋高祖生前住的去處。叫做陰室。後世以藏高祖的御服。他要把這陰室拆了。改造玉燭殿。因與羣臣往那裏觀看。見陰室裡



面牀頭有箇屏障是土做的。牆上掛箇燈籠是  
葛布鞞的。掛箇蠅拂是麻繩結的。這都是高祖  
生前常用的器物質朴儉素。故留之以示子孫  
也。其臣袁顛因盛稱高祖的儉德。欲以感悟宋  
主。宋主反笑話說。高祖起於農畝。而為天子。本  
是箇庄家老。他有這箇受用。已是過分了。豈可  
與今日同語哉。夫不念祖宗創業之艱。法祖宗  
崇儉之德。且嘲誚如此。尚謂有人心乎。未及一  
年。他就歿在這玉燭殿裏。其子子業濟惡更甚。

遂被篡弒之禍。傳曰。儉德之共也。侈惡之大也。  
豈不信哉。

金蓮布地

潘妃

齊王




後五十二



齊史。紀齊王寶卷。荒淫奢侈。後宮服御。極選珍奇。寵愛潘妃。嘗鑿金為蓮花。以帖地。令潘妃行其上。曰。此步步生蓮花也。嬖倖因緣。為姦利。課一輸十。百姓困窮。號泣道路。

解 六朝齊史上。記齊主寶卷。荒淫奢侈。凡後宮的服飾器用。必選那極品珍貴奇異之物。寵愛一箇女子潘妃。嘗以黃金打成蓮花。帖在地上。教潘妃在上面行走。齊主觀而悅之。說道。這箇是步步生蓮花也。自是取用浩繁。而嬖愛寵幸。



之人乘機以行姦網利。指一科十。由此百姓困窮。無所告訴。惟號泣道路而已。其荒淫奢侈如此。在位二年。竟為嬖臣王珣國等所弒。蕭衍因而篡齊。敗亡之禍。豈非自取之哉。

